



Broj: 02-02-621-9/24-38

Jablanica, 28.03.2024. godine

Na osnovu člana 13. Zakona o principima lokalne samouprave u Federaciji Bosne i Hercegovine ("Službene novine FBiH", broj: 49/06 i 51/09), člana 16. stav. 2. Zakona o poticaju razvoja male privrede i zaštiti tradicionalnih djelatnosti (obrta) („Službene novine HNK“, broj: 4/10) i člana 18. Statuta Općine Jablanica ("Službeni glasnik Općine Jablanica", broj: 2/09, 8/16 i 2/20), Općinsko vijeće Jablanica na 38. redovnoj sjednici, održanoj dana 28.03.2024. godine, donosi

PROGRAM SUBVENCIONIRANJA PRIVREDNIH SUBJEKATA NA PODRUČJU OPĆINE JABLANICA

1. Osnov za donošenje, izvor finansiranja i nosioci realizacije

Pravni osnov za donošenje ovog Programa subvencioniranja privrednih subjekata na području općine Jablanica (u daljem tekstu: Program) nalazi se u Zakonu o principima lokalne samouprave u Federaciji Bosne i Hercegovine ("Službene novine FBiH", broj: 49/06 i 51/09), Odluci o izvršenju Budžeta Općine Jablanica za tekuću budžetsku godinu i Strategiji razvoja Općine Jablanica za period 2021-2027. godinu.

2. Cilj Programa

Cilj Programa je da se kroz subvencioniranje malih i srednjih preduzeća (u daljem tekstu MSP) i obrta kroz nabavku opreme, repromaterijala, tehnološku modernizaciju poslovnih procesa, pruži podrška povećanju zapošljavanja, povećanju proizvodnje, kvaliteta i konkurentnosti male privrede, povećanje broja subjekata male privrede, poticanje obavljanja i ostanka tradicionalnih i starih zanata, unapređenje znanja i vještina zaposlenih, promociji izvoznih potencijala i pristupa novim tržištima, podrška ravoju poduzetništva ciljnih grupa (žensko poduzetništvo, poduzetništvo mladih, poduzetništvo invalidnih osoba) i omogućavanje jačanja konkurentnosti privrednih subjekata na području općine Jablanica.

2.1. Naziv projekta: Poticaji opstanku tradicionalnih i starih zanata

Svrha projekta:

Očuvanje obrtničke tradicije, kulturnog i historijskog naslijeđa poticanjem tradicionalnih i starih obrtničkih djelatnosti kroz sufinansiranje troškova nabavke opreme i repromaterijala, poboljšanje uslova rada u radionici i obrazovanja i stručnog osposobljavanja zaposlenih.

Kriteriji za raspodjelu sredstava:

Vrijednost investicije, broj zaposlenih, novo zapošljavanje, izvor i način finansiranja, pripadnost ciljnoj grupi i poticaji Općine u posljednjih pet godina.



Kategorija korisnika sredstava:

Obrtnici koji obavljaju djelatnost u skladu s Uredbom o zaštiti tradicionalnih i starih zanata ("Službene novine Federacije BiH", broj: 28/22) i posluju najmanje 12 (dvanaest) mjeseci. Svi korisnici sredstava moraju imati sjedište na području Općine Jablanica, nalaziti se u većinskom privatnom vlasništvu državljana Bosne i Hercegovine, te imati najmanje jednog zaposlenog na neodređeno vrijeme.

2.2. Naziv projekta: Poticaji razvoju obrta (nema više vezanih i posebnih)**Svrha projekta:**

Poticanje obrta na razvoj djelatnosti kroz sufinansiranje troškova nabavke opreme potrebne za proširenje i osavremenjivanje proizvodnje, kako bi se omogućilo povećanje kvalitete proizvoda i rast zaposlenosti.

Kriteriji za raspodjelu sredstava:

Vrijednost investicije, broj zaposlenih, novo zapošljavanje, izvor i način finansiranja, pripadnost ciljnoj grupi i poticaji Općine u posljednjih pet godina.

Kategorija korisnika sredstava:

Obrtnici koji obavljaju djelatnost u skladu s Pravilnikom o popisu obrta ("Službene novine Federacije BiH", broj: 42/22) i posluju najmanje dvanaest (12) mjeseci. Svi korisnici sredstava moraju imati sjedište na području Općine Jablanica, nalaziti se u većinskom privatnom vlasništvu državljana Bosne i Hercegovine te imati najmanje jednog zaposlenog na neodređeno vrijeme.

2.3. Naziv projekta: Poticaji novoosnovanim subjektima male privrede**Svrha projekta:**

Održavanje pozitivnog trenda poduzetničke aktivnosti s aspekta povećanja broja novoosnovanih subjekata male privrede. Kroz projekt će se realizovati subvencioniranje troškova registracije, doprinosa, nabavke opreme i repromaterijala - sirovina, zavisno od poslovnog plana privrednog subjekta.

Kriteriji za raspodjelu sredstava:

Vrijednost investicije, broj zaposlenih, novo zapošljavanje, izvor i način finansiranja, pripadnost ciljnoj grupi i poticaji Općine u posljednjih pet godina.

Kategorija korisnika sredstava:

Subjekti male privrede definisani po Zakonu o poticaju razvoja male privrede i zaštiti tradicionalnih djelatnosti (obrta) i fizičke osobe koje su registrovane prema Zakonu o obrtu i srodnim djelatnostima („Službene novine FBiH“, broj: 75/21), Zakonu o ugostiteljskoj djelatnosti („Službene novine HNK“, broj: 12/17), Zakonu o unutrašnjoj trgovini FBiH („Službene novine FBiH“, broj: 40/10 i 79/17), Zakona o cestovnom prevozu na području Hercegovačko-neretvanskog kantona ("Službene novine HNK", broj: 6/13 i 4/22), koji imaju sjedište na području općine Jablanica, nalaze se u većinskom privatnom vlasništvu državljana Bosne i Hercegovine, te imaju najmanje jednog zaposlenog na neodređeno vrijeme, a registrovani su poslije 01. maja godine koja prethodi godini raspisivanja javnog poziva. Nisu prihvatljive prijave subjekata male privrede koji imaju registrovanu osnovnu djelatnost u oblasti namjenske industrije, proizvodnje i prerade duhana i igara na sreću.

2.4. Naziv projekta: Poticanje razvoja trgovine, turizma i ugostiteljstva

Svrha projekta:

Poticanje razvoja trgovine, turizma i ugostiteljstva kroz sufinansiranje troškova nabavke opreme potrebne za proširenje i osavremenjivanje, kako bi se omogućilo povećanje kvalitete usluga i rast zaposlenosti.

Kriteriji za raspodjelu sredstava:

Vrijednost investicije, broj zaposlenih, novo zapošljavanje, izvor i način finansiranja, pripadnost ciljnoj grupi i poticaji Općine u posljednjih pet godina.

Kategorija korisnika sredstava:

Fizičke osobe koje su registrovane prema Zakonu o obrtu i srodnim djelatnostima („Službene novine FBiH“, broj: 75/21), Zakonu o ugostiteljskoj djelatnosti („Službene novine HNK“, broj: 12/17), Zakonu o unutrašnjoj trgovini FBiH („Službene novine FBiH“, broj: 40/10 i 79/17), Zakona o cestovnom prevozu na području Hercegovačko-neretvanskog kantona („Službene novine HNK“, broj: 6/13 i 4/22).

Svi korisnici sredstava moraju imati sjedište na području Općine Jablanica, nalaziti se u većinskom privatnom vlasništvu državljana Bosne i Hercegovine, te imati najmanje jednog zaposlenog na neodređeno vrijeme.

2.5. Naziv projekta: Jačanje konkurentnosti MSP-a

Svrha projekta:

Jačanje konkurentnosti MSP-a kroz tehnološku modernizaciju poslovnih procesa, podršku unapređenju znanja i vještina zaposlenih, promociji izvoznih potencijala i pristupa novim tržištima.

Kriteriji za raspodjelu sredstava:

Vrijednost investicije, broj zaposlenih, novo zapošljavanje, izvor i način finansiranja, pripadnost ciljnoj grupi i poticaji Općine u posljednjih pet godina.

Kategorija korisnika sredstava:

Pravne osobe (d.o.o. i d.d.) definisane po Zakonu o poticanju razvoja male privrede, koje imaju sjedište na području općine Jablanica, nalaze se u većinskom privatnom vlasništvu državljana Bosne i Hercegovine, posluju najmanje godinu dana, imaju iskazano pozitivno poslovanje u prethodnoj godini, imaju najmanje (pet) zaposlenih na neodređeno vrijeme, te koji će povećati broj zaposlenika minimalno za jednog radnika tokom realizacije projekata.

Sredstva u okviru ovog projekta će se dodjeljivati poslovnim subjektima iz "područja C - Prerađivačka industrija, F - Građevinarstvo i I - Djelatnosti pružanja smještaja te pripreme i usluživanja hrane", utvrđenim kao strateškim oblastima u općini Jablanica, kao i ostalim djelatnostima prema klasifikaciji djelatnosti KDBiH 2010 ("Službeni glasnik BiH", broj: 47/10), u skladu sa raspoloživim sredstvima.

3. Poticajne mjere i finansijska sredstva

Finansijska sredstva za realizaciju Programa subvencioniranja privrednih subjekata na području općine Jablanica, koja su predviđena Budžetom Općine Jablanica za tekuću godinu, realizovati će se posredstvom nadležne službe Općine Jablanica.

Za tu namjenu predviđena su bespovratna finansijska sredstva Općine Jablanica.

Ukupan iznos za finansiranje grant šeme iznosi 60% investicije.

Za programe: Poticaj opstanku tradicionalnih i starih zanata, Poticaj razvoju obrta, Poticaj novoosnovanim subjektima male privrede i Poticaj razvoju trgovine, turizma i ugostiteljstva maksimalan iznos grant šeme je 5.000,00 KM. Za program Jačanje konkurentnosti MSP-a maksimalan iznos grant šeme je 10.000,00 KM.

Sredstva će se dodijeliti korisnicima u skladu s kriterijima utvrđenim ovim Programom i javnim pozivom.

Subjekti male privrede i samostalnih djelatnosti koji su u vlasništvu osoba s invaliditetom, žena ili osoba mlađih od 35 godina imati će preferencijalni tretman kod odabira projektnih prijedloga.

Kriteriji za izbor korisnika sredstava:

- Vrijednost investicije

Red.br.	Vrijednost investicije	Broj bodova
1.	Do 10.000,00 KM	1
2.	Od 10.001,00 do 19.999,00 KM	3
3.	20.000,00 KM i više	5

- Postojeći broj zaposlenih

Red.br.	Broj prijavljenih na PIO	Broj bodova
1.	1 radnik	1
2.	2 radnika	3
3.	3 i više radnika	5

- Povećanje zaposlenosti

Red.br.	Broj novozaposlenih	Broj bodova
1.	0	0
2.	1 radnik	1
3.	2 radnika	3
4.	Više od 2 radnika	5

- Izvor i način finansiranja

Red.br.	Procenat vlastitog učešća	Broj bodova
1.	do 40%	0
2.	40%-70%	2
3.	70%-90%	4

- Pripadnost ciljnoj skupini

Red.br.	Ciljna skupina	Broj bodova
1.	Osoba sa invaliditetom	4
2.	Pripadnik boračke populacije	3
3.	žene	2
4.	Mladi (do 35 godina)	1

- Poticaji Općine u posljednjih pet godina

Red.br.	Korišten program poticaja	Broj bodova
1.	Dva puta i više	0
2.	Jedan put	1
3.	Nije korišten poticaj	3

4. Javni poziv i postupak prijavljivanja

Za dodjelu grant sredstava iz ovog Programa Općina Jablanica raspisuje javni poziv. Javni poziv se objavljuje u sredstvima javnog informisanja, oglasnoj tabli općine i na web stranici Općine Jablanica (www.jablanica.ba).

5. Utvrđivanje liste

Općinski načelnik imenuje Komisiju za izbor i nadzor korisnika sredstava, koja će prema Smjernicama za podnositelje projektnih prijedloga, vršiti izbor korisnika sredstava.

Smjernice za podnositelje projektnih prijedloga će uvrstiti Općinski načelnik zajedno sa nadležnim Službama Općine Jablanica.

Komisija će predložiti Općinskom načelniku prijedlog liste aplikanata koji ispunjavaju uslove javnog poziva.

Privremena rang lista će se objaviti na oglasnoj tabli Općine i na web stranici Općine Jablanica (www.jablanica.ba).

U roku od osam (8) dana od dana objavljivanja privremene rang liste svaki aplikant može podnijeti pismeni prigovor na listu.

Prigovor se upućuje Općinskom načelniku. Nakon isteka roka za prigovor, Općinski načelnik zajedno sa Komisijom razmatra prigovore, te utvrđuje i donosi konačnu listu aplikanata koja se objavljuje oglasnoj tabli općine i na web stranici Općine Jablanica (www.jablanica.ba).

6. Zaključivanje ugovora

Općinski načelnik će zaključiti pojedinačne ugovore sa odabranim korisnicima sredstava, kojima će se definisati međusobna prava i obaveze ugovornih strana, a posebno način i dinamika korištenja dodijeljenih finansijskih sredstava, te nadzor nad utroškom istih.


7. Nadzor nad korištenjem sredstava

Provjeru namjenskog utroška sredstava od strane korisnika vršit će kontinuirano Komisija za izbor i nadzor korisnika sredstava, a na kraju projekta podnijet će izvještaj Općinskom načelniku.

8. Stupanje na snagu

Ovaj Program stupa na snagu danom objavljivanja u "Službenom glasniku Općine Jablanica".

Stupanjem na snagu ovog Programa prestaje da važi Program broj: 02-02-1233-8/23-29 od 05.06.2023. godine.


PREDSJEDAVAJUĆI OV-a
Emir Muratović, BA ing. građ.